

DigiFlow

دليل التركيب والتشغيل الكامل — من البداية للنهاية
نظام إدارة الكافيهات والمطاعم · الإصدار 1.0.0

محتويات الدليل

- 1. المتطلبات قبل البدء
- 2. تركيب البرنامج على جهاز العميل
- 3. التشغيل الأول
- 4. ربط الموبايلات والتابلت (الويترز)
- 5. الطابعات — الكاشير والمطبخ
- 6. جهاز البصمة (الحضور والانصراف)
- 7. التشغيل اليومي والنسخ الاحتياطي
- 8. حل المشاكل الشائعة

١٠ المتطلبات قبل البدء

الأجهزة

العنصر	المواصفات	ملاحظات
جهاز الكاشير (السيرفر)	ويندوز 10 أو 11 · 4 جيجا رام على الأقل	هو قلب النظام — لازم يفضل شغال طول ساعات العمل
راوتر واي فاي	أي راوتر عادي	كل الأجهزة لازم تكون على نفس الشبكة
موبايلات/تابلت الويترز	أي جهاز فيه متصفح	مش محتاج تثبيت أي تطبيق
طابعة حرارية	80mm (مثل XP-80)	واحدة للكاشير، وواحدة للمطبخ اختياريًا
جهاز بصمة	ZKTeco أو متوافق	لازم يدعم الشبكة (منفذ 4370)

مهم: جهاز الكاشير هو السيرفر. لو اتقفّل أو دخل في وضع السكون، كل الموبايلات والتابلت هتفصل ومش هتقدر تشتغل. اضبط إعدادات الطاقة على «عدم السكون أبداً».

الملفات المطلوبة

- DigiFlow-Setup.exe — ملف التثبيت (حجمه حوالي 415 ميجا، شامل PostgreSQL)
- توكن التفعيل — تحصل عليه من أداة المطوّر بعد معرفة رقم المتجر

٢. تركيب البرنامج على جهاز العميل

- 1 انسح `DigiFlow-Setup.exe` على جهاز الكاشير (فلاشة أو أي طريقة).
- 2 اضغط عليه مرتين. ويندوز هيطلب تأكيد صلاحيات المدير (UAC) — اضغط **Yes**. لازم يتثبت بصلاحيات مدير لأنه بينزل في `Program Files`.
- 3 اختر لغة التثبيت (عربي أو إنجليزي) ثم **Next**.

صفحة «قاعدة البيانات» — أهم خطوة

هتلاقى مربعين للاختيار. الفرق بينهم:

الاختيار	النتيجة	امتى تستخدمه
مفیش أي علامة	قاعدة بيانات داخلية (SQLite) — صفر إعدادات	كافيه بجهاز كاشير واحد فقط
الأول فقط خزن البيانات في PostgreSQL	يستخدم PostgreSQL المثبت مسبقاً على الجهاز	لو PostgreSQL موجود بالفعل
الأول + الثاني	يثبت PostgreSQL ويستخدمه	جهاز جديد، وعازيز أكثر من كاشير على نفس البيانات

الخيار الثاني لا يعمل بمفرده. لازم الأول يكون متعلّم معاه. والبرنامج بيكتشف تلقائياً لو PostgreSQL مثبت ويقولك في نص الاختيار.

صفحة بيانات الاتصال (تظهر فقط لو اخترت PostgreSQL)

الحقل	القيمة
اسم قاعدة البيانات	أي اسم بحروف إنجليزي صغيرة وأرقام و _ مثال: digiflow أو cafe_hamid
المستخدم	postgres
كلمة المرور	اختر كلمة قوية — احفظها، هتحتاجها للنسخ الاحتياطي
الخادم (Host)	127.0.0.1 (يعني نفس الجهاز)
المنفذ (Port)	5432

قاعدة البيانات بتتعمل تلقائياً عند أول تشغيل لو مش موجودة — مش محتاج تفتح pgAdmin ولا تعمل حاجة يدوياً. ولو الاسم موجود بالفعل، البرنامج **يستخدمه زي ما هو** ومستحيل يمسحه.

4 اضغط **Next** ثم **Install**. لو اخترت تثبيت PostgreSQL، الخطوة دي ممكن تاخذ **عدة دقائق** — استنى لحد ما تخلص.

5 بعد ما يخلص، البرنامج بيتثبت في:

- البرنامج: C:\Program Files\DigiFlow\
البيانات: C:\Program Files\DigiFlow\data\

مجلد **data** فيه قاعدة البيانات والصور. مبيتمسحش عند إزالة البرنامج أو تحديثه — بيانات العميل دايماً محفوظة.

٣ . التشغيل الأول

- 1 افتح البرنامج من قائمة ابدأ (Start Menu) — ابحث عن **DigiFlow**.
- 2 أول تشغيل **ببإحد وقت أطول** (ممكّن دقيقة) لأنه يجهّز قاعدة البيانات. استنى لحد ما تظهر نافذة البرنامج.
- 3 ويندوز هيسأل عن **جدار الحماية (Firewall)**. ده أهم سؤال في التركيب كله:
لازم تضغط «**Allow access**» وتعلّم على «**Private networks**».
لو رفضت أو قفلت النافذة، الموبايلات والتابلت مش هتقدّر تفتح النظام نهائياً. ودي أكثر مشكلة بتحصل في التركيب.
- 4 صفحة التفعيل هتظهر. سجّل رقم المتجر (**Store ID**) الظاهر فيها وابعتّه للمطوّر عشان يولّد لك التوكّن.
- 5 الصق التوكّن واضغط تفعيل.
- 6 اعمل حساب المالك، وادخل بيانات المحل (الاسم، التليفون، العنوان، اللوجو) من إعدادات النظام.

٤ . ربط الموبايلات والتابلت (الويترز)

الويترز مش محتاجين يثبتوا أي تطبيق — بيفتحوا النظام من المتصفح العادي.

الخطوة ١: اعرّف رقم IP بتاع جهاز الكاشير

1. على جهاز الكاشير، اضغط `Win + R`
2. اكتب `cmd` ثم `Enter`
3. اكتب `ipconfig` ثم `Enter`
4. دوّر على سطر **IPv4 Address** تحت كارت الواي فاي
5. هتلاقي رقم شبيه بـ `192.168.1.15` — ده رقم السيرفر

الخطوة ٢: افتح النظام من الموبايل

1. وصل الموبايل بـ نفس شبكة الواي فاي بتاعة الكاشير
2. افتح المتصفح (Chrome / Safari)
3. اكتب العنوان ده بالطبط:
`http://192.168.1.15:8085`
(بدّل الرقم برقم جهازك · اكتب `http://` في الأول)
4. سجّل الدخول بحساب الويتر
5. اضغط «إضافة إلى الشاشة الرئيسية» عشان يبقى زي التطبيق

الخطوة ٣: تثبت رقم ال IP (مهم جداً)

الراوتر ممكن يغيّر رقم IP الكاشير بعد إعادة التشغيل، وساعتها كل الموبايلات هتفصل. **الحل:** من إعدادات الراوتر، اعمل *DHCP Reservation* لجهاز الكاشير — يعني تحجز له نفس الرقم دائماً. أو اضبط IP ثابت من إعدادات الشبكة في ويندوز.

لو الموبايل مش يفتح الصفحة

1. اتأكد إن الموبايل على نفس الشبكة (مش شبكة الضيوف/Guest)
2. اتأكد إنك كتبت `http://` — لو كتبت العنوان من غيرها، المتصفح بيحاول `https` وبيفشل
3. اتأكد إن البرنامج شغال على جهاز الكاشير
4. من الموبايل جرّب: لو الصفحة مش بتفتح خالص، غالباً الفايروول رافض — راجع خطوة ٣ فوق
5. في بعض الراوترات فيه خاصية **AP Isolation** بتمنع الأجهزة من رؤية بعض — لازم تتقفل من إعدادات الراوتر

٥٠ الطابعات — الكاشير والمطبخ

تركيب الطابعة

1. وصل الطابعة بالـ USB وثبت تعريفها (الـ Driver) من الاسطوانة أو موقع الشركة
2. اتأكد إنها ظهرت في **Settings → Printers & scanners**
3. اطبع صفحة اختبار من التعريف للتأكد

تفعيل القطع التلقائي للورق

- لو الطابعة بتطبع بس مش بتقطع الورق، ده إعداد في تعريف الطابعة نفسها (مش في البرنامج):
1. Settings → Printers & scanners → اختر الطابعة
 2. Printing Preferences (تفضيلات الطباعة)
 3. دوّر على تبويب فيه كلمة **Cutter / Auto Cut / القطع**
 4. فعّلها واضغط **Apply**

كيف يعمل النظام — طابعتين بمهمتين مختلفتين

المستند	الطابعة	طريقة الطباعة
فاتورة العميل	طابعة الكاشير	من نافذة طباعة المتصفح (الكاشير واقف عندها بالفعل)
تذكرة المطبخ	طابعة المطبخ	تلقائية تماماً — بدون نافذة وبدون أي ضغط

إعداد طابعة المطبخ (الطباعة التلقائية)

الخطوة الأولى — تفعيل الخاصية:

1. من البرنامج: ثوابت النظام → شاشة المطبخ
2. فعّل «طباعة تذكرة المطبخ تلقائياً عند إرسال الطلب»

الخطوة الثانية — تحديد الطابعة:

1. تثبت طابعة المطبخ على جهاز الكاشير — إما موصلة بيه مباشرة، أو مشاركة عبر الشبكة (/ Network Shared Printer)

2. تأكد إنها ظاهرة في **Printers & scanners** → **Settings** على جهاز الكاشير

3. من البرنامج: إعدادات النظام → إعدادات الطابعة

4. من قائمة «طابعة المطبخ (طابعة تلقائية للتذكر)» اختر طابعة المطبخ

5. احفظ

مفتاح الإيقاف: لو الأدمن قفل خيار «طابعة تذكرة المطبخ تلقائياً» من **ثوابت النظام**، مفيش أي تذكرة هتطبع لوحدها — لا على طابعة المطبخ ولا في المتصفح. الطابعة تبقى يدوية بالكامل من زر «تذكرة المطبخ». المفتاح ده بيتحكم في الخاصية كلها.

خلاص. من دلوقتي، أول ما أي أوردر يتبعث للمطبخ (من الويتر أو من الكاشير)، التذكرة بتطبع لوحدها **على طابعة المطبخ فوراً** — مفيش نافذة طباعة، ومفيش حد بيضغط حاجة. والفاتورة تفضل بتطبع من الكاشير زي ما هي.

مهم: الطابعة لازم تكون مثبتة على جهاز الكاشير (السيرفر)، مش على جهاز ثاني — لأن البرنامج هو اللي بيطبع، مش المتصفح. لو طابعة المطبخ فيزيائياً في المطبخ، شاركها على الشبكة وضيفها على جهاز الكاشير.

لو سبت خانة طابعة المطبخ فاضية

النظام يرجع للطريقة القديمة: التذكرة بتفتح في نافذة معاينة وتطبعها يدوياً. مفيش حاجة بتتعطل — بس من غير أتمتة.

محطات متعددة (اختياري)

لو الكافيه فيه أكثر من قسم تحضير (مشويات / مشروبات / حلويات) وكل قسم له طابعته:

1. عرّف المحطات من إعدادات المطبخ، وحدّد لكل محطة طابعته

2. اربط كل قسم منتجات بمحطته

3. البرنامج هيقسم الأوردر تلقائياً ويبيع لكل محطة تذكرة بأصنافها هي بس

الأصناف اللي محطتها مالهاش طابعة بتروح كلها على تذكرة واحدة لطابعة المطبخ الأساسية.

الويتر يبيعت الأوردر من الموبايل، والتذكرة بتطبع في المطبخ تلقائياً — لأن الطباعة بتحصل من جهاز الكاشير مش من الموبايل. الموبايل مش محتاج يكون متصل بأي طابعة خالص.

ملاحظة: طباعة فاتورة العميل من الموبايل نفسه لسه بتحتاج نافذة الطباعة — متصفحات الموبايل مبتسمحش بالطباعة الصامتة.

٦. جهاز البصمة (الحضور والانصراف)

الخطوة ١: تجهيز الجهاز

1. وصل جهاز البصمة بالشبكة (كابل شبكة أو واي فاي حسب الموديل)
2. من قائمة الجهاز نفسه، اضبط له IP ثابت على نفس شبكة الكاشير
مثال: لو الكاشير 192.168.1.15 خلي الجهاز 192.168.1.20
3. سجّل بصمات الموظفين على الجهاز، وسجّل رقم كل موظف (User ID) على الجهاز

الخطوة ٢: إضافة الجهاز في البرنامج

1. من البرنامج: الأدوار والصلاحيات → أجهزة البصمة والحضور
2. اضغط «إضافة جهاز»
3. املأ البيانات:

الحقل	القيمة
الاسم	أي اسم وصفي (مثال: بصمة الكافيه)
النوع / البروتوكول	ZKTeco / أجهزة متوافقة (شبكة، منفذ 4370)
عنوان IP	رقم الجهاز (مثال 192.168.1.20)
المنفذ	4370

4. احفظ، ثم اضغط «اختبار الاتصال» للتأكد إنه شغال

اختر النوع **ZKTeco** حتى لو الجهاز مكتوب عليه ماركة ثانية — أغلب أجهزة البصمة الصينية تستخدم نفس البروتوكول على منفذ 4370 . أي خيار فيه كلمة *push* أو *cloud* غير مناسب هنا.

الخطوة ٣: ربط الموظفين

1. لازم يكون لكل موظف سجل راتب في «رواتب الموظفين» — من غيره مش هيظهر في الحضور
2. من صفحة الجهاز اضغط «ربط الموظفين»

3. هتظهر أرقام المستخدمين المسجلة على الجهاز — اربط كل رقم بالموظف المقابل له

4. احفظ

الخطوة ٤: سحب البصمات

المزامنة تلقائية. البرنامج يبسحب البصمات من الجهاز كل ٥ دقائق لوحده طول ما هو شغال، ويحوّلها لسجلات حضور وانصراف. مش محتاج تضغط أي حاجة.

- راجع النتيجة من: رواتب الموظفين → الغياب والتأخير
- لو عايز تسحب فوراً من غير انتظار، اضغط «مزامنة الآن» من صفحة الأجهزة

المزامنة التلقائية بتشتغل طول ما البرنامج مفتوح على جهاز الكاشير. لو البرنامج مقفول، البصمات بتفضل متخزنة على الجهاز نفسه وبتتسحب أول ما البرنامج يفتح ثاني — مفيش بيانات بتضيع. لو الجهاز مش متصل أو مقفول، البرنامج بيحاول ثاني في الدورة اللي بعدها من غير ما يآثر على أي حاجة.

إعدادات الشيفتات والخصومات

من رواتب الموظفين → إعدادات الحضور والخصومات تقدر تضبط:

- عدد الشيفتات (لحد ٥ شيفتات)
- مواعيد الحضور والانصراف لكل شيفت
- فترة السماح لكل شيفت
- نسبة الخصم عن الغياب

البرنامج بيطابق كل موظف تلقائياً مع أقرب شيفت لوقت حضوره الفعلي، ويبدع الشيفتات اللي بتعدّي منتصف الليل.

٧٠ التشغيل اليومي والنسخ الاحتياطي

كل يوم

- شغل جهاز الكاشير وافتح البرنامج قبل بداية الشيفت
- افتح وردية من الخزنة
- الويترز يفتحوا الرابط من موبايلاتهم
- آخر اليوم: اقفل الوردية، واعمل مزامنة البصمة

النسخ الاحتياطي — مهم جداً

بيانات العميل كلها في مجلد واحد. لو الجهاز باظ من غير نسخة احتياطية، البيانات تضيع نهائياً.

لو النظام على SQLite: انسخ المجلد ده على فلاشة أو سحابة بشكل دوري:

```
C:\Program Files\DigiFlow\data\
```

لو النظام على PostgreSQL: استخدم أداة النسخ الاحتياطي من pgAdmin، أو الأمر:

```
pg_dump -U postgres -d اسم_قاعدة_البيانات -f backup.sql
```

اعمل نسخة احتياطية مرة كل أسبوع على الأقل، واحتفظ بيها في مكان ثاني غير جهاز الكاشير.

٨٠ حل المشاكل الشائعة

المشكلة	السبب والحل
الموبايل مش بيفتح النظام	غالباً الفايروول. أعد تشغيل البرنامج ووافق على «Allow access» للشبكات الخاصة. وتأكد إن الموبايل على نفس الواي فاي وإنك كتبت <code>http://</code>
كان شغال وفجأة وقف على الموبايلات	غالباً الراوتر غير رقم IP الكاشير. اعرف الرقم الجديد بـ <code>ipconfig</code> ، واعمل حجز IP ثابت من الراوتر
البرنامج بيقول «النظام شغال بالفعل»	فيه نسخة مفتوحة بالفعل. دور على النافذة في شريط المهام. ده مقصود عشان يمنع فتح نسختين على نفس البيانات
الطابعة بتطبع من غير ما تقطع	فعل خيار Cutter / Auto Cut من تفضيلات الطابعة في ويندوز (مش من البرنامج)
البصمة مش بتظهر في الحضور	١) تأكد إن الموظف مربوط برقمه على الجهاز (صفحة «ربط الموظفين») ٢) تأكد إن للموظف سجل راتب في «رواتب الموظفين» ٣) تأكد إن جهاز البصمة متصل بالشبكة وشغال ٤) اضغط «مزامنة الآن» عشان تسحب فوراً بدل انتظار الدورة التلقائية
تذكرة المطبخ مش بتطبع تلقائياً	١) تأكد إن خيار «طباعة تذكرة المطبخ تلقائياً» مفعل من <u>ثوابت النظام</u> → <u>شاشة المطبخ</u> ٢) تأكد إنك اخترت طابعة من «إعدادات النظام» → طابعة المطبخ» ٣) تأكد إن الطابعة مثبتة على <u>جهاز الكاشير</u> نفسه وشغالة ٤) اطبع صفحة اختبار من إعدادات ويندوز للتأكد إنها بترد
عايز أوقف الطابعة التلقائية مؤقتاً	اقفل خيار «طباعة تذكرة المطبخ تلقائياً» من ثوابت النظام → شاشة المطبخ. الطابعة تبقى يدوية من زر «تذكرة المطبخ» وقتها
رسالة «تعذر الاتصال بقاعدة بيانات PostgreSQL»	تأكد إن خدمة PostgreSQL شغالة من <code>services.msc</code> ، وإن البيانات صحيحة في <code>C:\Program Files\DigiFlow\db_config.json</code>
الشاشات مش بتتحدث لوحدها	الشاشات بتتحدث فوراً. لو وقفت، اعمل تحديث للصفحة وتأكد إن الاتصال بالشبكة شغال

تغيير قاعدة البيانات بعد التركيب

عدّل الملف ده (يحتاج صلاحيات مدير) وغيّر قيمة `name` ، ثم أعد تشغيل البرنامج:

```
C:\Program Files\DigiFlow\db_config.json
```

مش محتاج تعيد التثبيت. ولو مسحت الملف، البرنامج بيرجع لقاعدة البيانات الداخلية (SQLite).